



ტრადიცია და თანამედროვეობა. 4.

ჯულიეტა რუხაძე

ხალხური დღესასწაულები და
თანამედროვეობა



გამომცემლობა „მცხეთა“
თბილისი
1980



(C 41)
5(2 Γ)
47.922)
რ 97

ქართული ხელნაწილი
ქართული ხელნაწილი
ქართული ხელნაწილი

ბროშურაში მკითხველი გაეცნობა ქართველთა ტრადიციული
ყოფის ერთ-ერთ ხალხურ დღესასწაულს — ბერიკაობა-ყეენობას
ქართველი ხალხის ისტორიის სხვადასხვა ეპოქების ამსახველი რი-
ტულებითა და ქანრული სცენებით.

ამასთან დასმულია ხალხური დღესასწაულის ზოგიერთი ტრადი-
ციის აღდგენისა და დაცვის, მასში თანამედროვეობის ამსახველი
დეტალების შეტანისა და დამკვიდრების საკითხი.

საქართველოს მემკვიდრეობის
სამსახურის რედაქცია

149222
K 149222

სერიის სარედაქციო კოლეგია: დოც. შ. კეკელია, პროფ.
შ. ნადირაშვილი, პროფ. ალ. რობაქიძე (თემქლომარე) აკად.
ალ. ფრანგიშვილი, ისტ. მეცნ. კანდ. ლ. ფრუიძე (მლიანი), პროფ.
ვ. ქვაჩაბია, პროფ. მ. ჩიქოვანი, პროფ. ნ. ჭავჭავაძე, აკად.
შ. ძიძიგური.

ნაკვეთის რედაქტორი აკად. გ. ჩიტიანი.

10602
რ M 607(06)—80 166—80

© გამომცემლობა „მეცნიერება“, 1980

ბ. შარტისის ს.ს. სსრ
სსრ სსსრ
რისსსსსსსსსსს

ხალხური დღესასწაულები და თანამედროვეობა

ქართული ხალხური დღესასწაულები, როგორც ისტორიისა და კულტურის ძეგლები, ეროვნული ენერჯისა და ხალხის შემოქმედებითი უნარის გამოსახულებაა. თუ ძეგლების მიხედვით ჩვენ ვსწავლობთ წარსული ეპოქის ხელოვნებას, სამშენებლო ტექნიკას, ვარკვევთ ხალხური ოსტატების ნიჭსა და უნარს, დღესასწაულების გამოვლენასა და მათ დაცვას ასევე საიმედოდ მივყავართ ერის ზნეობრივ სიმდიდრეთა გამომჟღავნებისაკენ.

დღესასწაულების მოსპობა ისეთივე დანაკლისია ეროვნული კულტურისათვის, როგორც ისტორიული ძეგლების განადგურება. ამიტომ ხალხურ დღესასწაულებს ისევე უნდა მოვლა და დაფასება, როგორც სხვა ფასდაუდებელ საუნჯეს (ხალხურ პოეზიას და მატერიალური კულტურის სხვადასხვა ძეგლს).

ერის სულიერი კულტურის შესწავლა ეთნოგრაფიული კვლევა-ძიებით ხერხდება. ეთნოგრაფები უფრთხილდებიან დანატოვარ უმცირეს რელიქვიას, მის ყოველ კვალს უვლიან და თავს ევლებიან. ამასთანავე კულტურის მონაპოვართა შესწავლისა და პოპულარიზაციის საქმეს სისტემატურ ხასიათს აძლევენ. მიუხედავად ამისა, საუკუნეების წინ შექმნილი დღესასწაულები და ყოფის სხვა რეალიები, რაც ერის ისტორიისა და კულტურის განუყოფელი ნაწილია, ჩვენ თვალწინ ქრება, ჩვენ კი არ გვაქვს მათი დაცვის სათანადო სრულყოფილი შესაძლებლობა.

როდესაც ვლაპარაკობთ ქალაქისა თუ სოფლის კოლორიტის შენარჩუნებაზე, პრაქტიკულად ის უნდა გავაკეთოთ, რომ არ დაკარგოთ წინაპართა დანატოვარი განძი, რომელიც ერის კულტურის საფუძველია. ასეთად კი სხვასთან ერთად დღესასწაულებიც მიგვაჩნია, რომელთაგან ყველაზე უფრო სიცოცხლისუნარიანი თავისი სპეციფიკური ბუნების გამო (გრანდიოზულობა, თეატრალურობა და სიმახვილე) ბერიკაობა-ყეენობაა.

დღეს, როდესაც მრავალი ხალხური დღესასწაული სამუდამო მივიწყებას მიეცა, ბერიკაობა-ყეენობა მისთვის ნიშანდობლივი მასობრივი თეატრალიზებული ხასიათის გამო საქართველოს ეთნოგრაფიულ სინამდვილეს დიდხანს შემორჩა, როგორც ტრადიციული ყოფის ერთ-ერთი კოლორიტული ელემენტი.

ჩვენი ქვეყნის ცხოვრებაში არ ყოფილა განვითარების ისეთი ეტაპი, ამ დღესასწაულში გამოძახილი და ასახვა რომ არ ეპოვოს. მართალია, დროთა განმავლობაში იცვლებოდა მისი შინაარსი, პერსონაჟები, მაგრამ ბუნება მაინც უცვლელი რჩებოდა. აქ ვლინდებოდა ქართველი ხალხის მსოფლმხედველობა, მისი ჭირვარამი და სიხარული, სოციალური ჩაგვრა და მისწრაფება უკეთესი მომავლისაკენ. ყოველი ახალი ისტორიული ვითარება ფორმას უცვლიდა დღესასწაულს, იგი ხან ქართველი მეფე-დედოფლის გამარჯვებას ასახავდა, ხან შაჰ-აბასისა და მურვან-ყრუს შემოსევას, დღესასწაულში ბევრჯერ იყვნენ წარმოდგენილი ბისმარკი და გენერალი ბულანეე, მეფის მთავრობის უნიჭო გენერლები, პოლკოვნიკები, ეანდარმეზი და სხვ.

ბერიკაობა-ყეენობაში ხალხი გულიანად დასცინოდა ყოველივე უარსაყოფს, სიცილით ამარცხებდა ბოროტებას (სანახაობის მონაწილენი ყაენს ვირზე უკულმა სვამდნენ და მერე წყალში აგდებდნენ, საიდანაც იგი გაწუწული ამოდიოდა და სხვ.).

დღესასწაულში რელიგიური სინკრეტიზმის სახით იყო მოცემული ქართველთა უძველესი მსოფლმხედველობა, სადაც ქრისტიანულ ელემენტებს წარმართული სძლევა და უძველეს მდიდარ რწმენასა და კულტებს შეიცავდა.

ბერიკაობა-ყეენობა ბუნების აღორძინებისადმი განკუთვნილი დღესასწაული იყო და აგრარული კულტმსახურების ელემენტებსაც შეიცავდა. ამასთანავე იგი წარმოადგენდა მოზღვავებული ახალგაზრდული ენერჯის და სიხარულის გამოვლენას მომავალი ხევერიელი წლისა და განახლებული სიციცხლის საწინდრად, რაც ჰემ-მარიტად საერთო-სახალხო თავაწყვეტილი მხიარულებით ვლინდებოდა. აქ წარმოდგენილ რიტუალებში ჩანდა მემინდვრობასთან დაკავშირებული რწმენა-წარმოდგენები, მოსავლის დასაბევებელი ხერხები და მდიდარი სამიწათმოქმედო ტრადიციები. დღესასწაულის აუცილებელი ელემენტი იყო ცხოველებისა თუ ადამიანის გამომსახველი სხვადასხვა ეპოქისა და დროის შესაბამისი ნიღბები და ნაირფეროვანი ტანსაცმელი, მისთვის დამახასიათებელი იყო აგრეთვე საწესჩვეულებო ცეკვები და ეროტული სცენები. |



სურ. 1. ბერეკობა სოფლად. ნახ. დ. გუდიაშვილისა

ბერიკაობა-ყვენობაში მთავარი კიდევ ის არის, რომ იგი თავისუფალი და შეუზღუდავი დღესასწაულია, რომელიც არც სიჭრტე-თაა შებოჭილი და არც დროით, მისთვის მთავარია ზეიმი, როგორი ფორმითაც არ უნდა გამოვლინდეს იგი. ამ ზეიმის მონაწილეა ყველა — დიდი და პატარა, ქალი და კაცი.

ჯერ კიდევ ახლო წარსულში ქართლ-კახეთის სოფლებში კაცს შეეძლო ბერიკაობა-ყვენობის დღესასწაული ენახა. თუმცა იგი იმ დროისათვის აღრინდელ ბრწყინვალეობას მოკლებული იყო, მიმზიდველობა მაინც არ დაჰკარგოდა.

ეს დღესასწაული მუდამ იპყრობდა მკვლევართა ყურადღებას და დღესაც არ შენელებულა მისდამი ინტერესი; იგი ჩვენი ისტორიკოსების, ეთნოგრაფების, ლიტერატორების, ხელოვნების მკოდნეებისა და მხატვრების შთაგონების უშრეტე წყაროა.

ბერიკაობა დიდი ხანია დაკლილია ყოველგვარი ცრურწმენისაგან; იქ მოლექსეობას კაფიაობა სცვლის, კაფიაობას — ზურნა-დუდუკი, გუდასტვირი, ჭიდაობას — დოღი და ფერხული, ფერხულს — ცეკვა, წყლით წუწობა და სხვ. ეს დღესასწაული გართობასთან ერთად ერთგვარი სპორტია — ლალი და მხიარული.

აი, ამ სილაღისა და შეუზღუდელობის გამო XIX ს. მეორე ნახევრიდან ყვენობა ხელისუფლებამ უარყო. ქალაქ თბილისის ადმინისტრაცია ამ წეს-ჩვეულების შეცვლას შეეცადა, ხოლო შემდეგ მთლიანად აკრძალა, მაგრამ ხალხი თავის საყვარელ სანახაობას მაინც ვერ შეეღია და ზოგჯერ ქალაქგარეთ მალულად მართავდა; მას „ყვენობის კუდი“ დაერქვა და ხანდახან მის მოწყობაზე ნებართვის გამოთხოვა სჭირდებოდათ. გაზეთ „დროებაში“ (1885, № 53) გამოქვეყნებული მასალის მიხედვით, დღესასწაული პოლიციის ზედამხედველობით ტარდებოდა, თუმცა ადგილობრივი ადმინისტრაცია მაინც ცდილობდა მის ჩაშლას.

ქალაქის ინტელიგენცია მხარს უჭერდა ყვენობის შენარჩუნებას; 1894 წ. გამართულ „ყვენობის კუდში“ ბანკის წარმომადგენლებთან ერთად იღია ჰავჭავაძესაც მიუღია მონაწილეობა.

წარსულის კულტურულ მემკვიდრეობაზე ზრუნვამ გვაფიქრებინა სწორედ ამ მრავალ ქართველგამოვლილი დღესასწაულის აღდგენა, მისი ძველი ბრწყინვალეობის გამოვლინება. თუ ბერიკაობა აღდგება, შეიძლება აღდგეს ჭიაკოკონობაც, ახალი წელი ჩიჩილაკით და რიტუალური პურებით; ღვეზელი და აგუნას პური, მუცლის სალოცავი თუ ქათმის კვერი, ვაზისა და ბასილას პური, ხარის კისერი და ჩერი-თითისტარის კვერი დიდ სიხარულს ანიჭებდა ყველას.

✓ ჩიჩილაკი მრავალტოტიან ხეს განასახიერებდა და ზედ ჩამოკიდებული სამკაულებით სიმბოლურად გამოხატავდა კეთილდღეობას, სიუხვეს, სიცოცხლის განახლება-აღორძინებას. იგი უკავშირდებოდა ქართველთა უძველეს წარმოდგენებს სიცოცხლის ხის შესახებ, რომლის თანახმად ხე ქვეყნიერების აგებულებისა და მისი მუდმივი კვდომა-განახლების სიმბოლო იყო. ✓

რიტუალური პურები „პროფესიის“ მიხედვით მზადდებოდა, ზოგიც ფრინველს და საქონელს ეკუთვნოდა, მათი გამრავლებისათვის, მომავალი წლის სიუხვის დასაბეგებლად კეთდებოდა. ეს იყო წარმართული ახალი წლის უძველესი ზეიმი, რომელიც შემდეგ ქრისტიანულმა რელიგიამ სათავესოდ დაიმკვიდრა.

თანამედროვე პირობებში თუ შევიძლებთ სახალწლო დღესასწაულის ტრადიციული ფორმების აღდგენას და ყოფაში დამკვიდრებას, ამით ფრიად სასარგებლო სამსახურს გავუწევთ მომავალ თაობებს, რადგან დღესასწაულის ჰემმარიტად ხალხური სახე განუმეორებელია თავისი ერთგული კოლორიტით, პოეტურობით, გამსჭვალულია მრავალსაუკუნოვანი ემპირიული სიბრძნით, ამასთანავე თავისუფალია რელიგიური ფანატიზმისაგან.

ორმოცდაათიან წლებში ეთნოგრაფიის განყოფილებაში (ე.გ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტი) დამკვიდრებული იყო ახალი წლის შეხვედრის ტრადიცია. გვქონდა მცენარეთა ფოთლებით და ნაყოფით, წითელი ვაშლებით და სხვა საგნებით შემკული ჩიჩილაკი, ვაცხობდით კვერებსა და გვყავდა მეკვლე, რა სიხარული მოჰქონდა ამას! ეს იყო ძველი ტრადიციის ნამდვილი აღორძინება, რომელსაც რელიგიასთან საერთო არაფერი ჰქონდა. მისი მესვეური რელიგიის ისტორიის დიდი მკვლევარი ვერა ბარდაველიძე გახლდათ, მერე ყველაფერი მივიწყებას მიეცა.

ღროთა ვითარებაში დღესასწაულთა დაცვის იდეა თანდათან მომწიფდა. 1960-იან წლებში ბერიკაობა-ყეენობის ბევრი ელემენტი უხვად გამოიყენეს გრემში მოსავლის აღების — რთველის დღესასწაულში, რომლის დაარსებაში დიდი წვლილი მიუძღვის ჩვენს სახელოვან მწერალს, ქართული კულტურის დიდ მოამაგეს ლევან გოთუას. ქართველი მწერლობა ბერიკაობა-ყეენობის სათავეში ძველადაც იდგა; როგორც აღვნიშნეთ, იგი იყო თბილისური ყეენობის წინამძღოლი და დამკველი.

ბერიკაობა-ყეენობის დღესასწაულს დღითიდღე სულ უფრო მეტი მნიშვნელობა ენიჭება; იგი ბევრი დღესასწაულის ორგანული

ნაწილია. მაგრამ ახალი დღესასწაულები და იქ გამოყენებული ბერძნული მოკლებულია ხალხურობას, იქ მსახიობები მონაწილეობენ, მღერაინ, კითხულობენ ლექსებს, ცეკვავენ; სულ სხვაა, როდესაც მთქმელი და მონაწილე ამბობს თავის სათქმელს, იღბენს და ცეკვავს. ხალხურ შემოქმედებას ვერ შეცვლის ვერც ვოკალური და ვერც მოცეკვავეთა საგანგებო წრეები, რადგან ქართული გლეხი საუკუნეების მანძილზე ლექსს თხზავდა, მღეროდა, მოლექსებდა, კაფიობდა, მახვილს სიტყვას გულიანად ხმარობდა. თუ რა დღია ჩვენი ფართო საზოგადოების სიყვარული ხალხური შემოქმედებისადმი, ეს კარგად გამოჩნდა 1979 წელს, გაზაფხულზე, ხალხური პოეზიისადმი მიძღვნილ საღამოებზე.

ხალხური დღესასწაულების აღდგენისა და დაცვის პრობლემა დღეს არ დამდგარა; ჯერ კიდევ ამ 35 წლის წინ, როდესაც აკად. გ. ჩიტაიამ აკად. ს. ჯანაშიასთან ერთად ღია ცის ქვეშ მუზეუმის გახსნის გეგმა შეიმუშავა (სადაც ნაჩვენები უნდა ყოფილიყო ხალხური ყოფის, მეურნეობის ყველა მხარე; მარან-საწნახელი, საქაჯავი, წყლის წისქვილი და საცხველი, თონე, სამჭედლო, კერამიკული წარმოება, სახვნელები და სხვ.), მიზნად ისიც დაისახა, რომ ხალხური დღესასწაულები ამ მუზეუმის აქტიური კომპონენტი გამხდარიყო, რომელიც ორგანულად შეერწყმოდა ახალ ცხოვრებას და ამით ხელს შეუწყობდა მათს დაცვას. ამ მიზნის სისრულეში მოსაყვანად, ალბათ, საჭირო იქნება სხვაგან არსებული ღია ცის ქვეშ მუზეუმების გამოცდილების გაზიარებაც.

მართალია, დღესასწაულის თავდაპირველი მიზანი და მასთან დაკავშირებული სხვადასხვა რიტუალები უკვე აღარ სჭირდებათ აღამიანებს, როგორც წინათ ესაჭიროებოდათ, მაგრამ მისი გრანდიოზულობისა და სხვა კარგი ტრადიციების შენარჩუნების გამო დღესასწაული უნდა დარჩეს როგორც წარსულის მეტყველი სურათი.

ტრადიციათა ყოფაში დანერგვის პრობლემა მწვავედ იდგა XIX ს-ის მეორე ნახევარში, როდესაც დაიწყო ბრძოლა ხატობა-დღესასწაულების მთლიანად მოსპობის წინააღმდეგ. ა. ხახანაშვილი მოითხოვდა, რომ დღესასწაულის ეროვნული მხარე შენარჩუნებულიყო: „...ყველა დღესასწაულს საეროვნო მხარეც აქვს. აი ეს მხარეა ჩვენთვის საჭირო... ქართველს დღესასწაული მართო ლოცვისა და ვედრებისათვის არ უნდა, „დღეობა“, „ხატობა“ სალხინოდ, საქეიფოდ, დროსგასატარებლად მიაჩნია. ...ხატობაში და დღეობაში თუ ნახავს კაცი ჩვენს საეროვნო ჩვეულებას და ვარჯიშს, მაგ., ცეკვას, ბურ-



თაობას, ჯირითს, ჭიდაობას და სხ. იქვე ცილობენ და ჯიბრობენ მე-
მუსიკენი, მეშაირენი, მომღერალნი“¹...

ამ საკითხს ბევრი პროგრესულად მოაზროვნე საზოგადო მო-
ღვაწე, მწერალი თუ პუბლიცისტი გამოეხმაურა, წერილებში აღნი-
შნული იყო დღესასწაულის საერო ნაწილის დაცვისა და შენარჩუ-
ნების აუცილებლობა.

აი, როგორი პასუხი გასცა ა. წერეთელმა გაზეთ „ივერიის“
პოლემიკური წერილების ავტორებს: „... ყოველგვარი საერო მოვ-
ლინება, აუცილებელ საჭიროებისაგან გამოწვეული, რომელიც კი
შეუსისხლხორცებია ხალხს, საუკუნოების განმავლობაში ცხოვრე-
ბის ბრძმედში გაუტარებია, განსხვავებული ელ-ფერი მიუცია, თა-
ვისი საკუთარი ნაციონალური ბეჭედი დაუსვამს ზედ და ისე გად-
მოუცია ჩამომავლობისათვის, ისეთი ანდრძია და „წმიდათა-წმიდა“
ქვეყნისათვის, რომ მისი ვაგლახად ხელის შეხება და წინდაუხედა-
ვად გადაგდება წარსულის უარის ყოფაა და, მაშასადამე, სასიკვდი-
ლოთაც თავის ვადადება... კაცი კი, როგორც გონიერი და უმაღლე-
სი არსება, სათავეს ერთმანეთზე აბამს და აკავშირებს, წარსულიდან
გამოპყავს აწმყო და აწმყოდან პსურს წარმოშვას მომავალი“...²

ამ წერილებს კომენტარი არ სჭირდება. ყველგან საუკუნეების
მანძილზე შექმნილი საეკლესიო ხატობა-დღესასწაულების ხალ-
ხური ტრადიციების დაცვა-შენარჩუნებაზეა ლაპარაკი.

დღესასწაულების მოვლასა და მათზე ზრუნვას ზნეობრივი,
აღმზრდელიობითი მხარე აქვს იმ ახალგაზრდებისათვის, რომლებიც
ეხლა ყალიბდებიან მოქალაქეებად; წარსულის მემკვიდრეობაზე
ზრუნვა ჩვენს ხვალინდელ დღეზე ზრუნვაა.

ბერკაობა-ყვენობის აღდგენით ჩვენ გავაცოცხლებთ არა მარ-
ტო ნიღბოსანთა ძველ თეატრს, არამედ მესტირეთა ძველ რეპერ-
ტუარს, მოლექსეობის შესანიშნავ ტრადიციებს, კაფიებს, ფერხუ-
ლებს და სხ. დღესასწაულის დროს შეიძლება მოეწყოს კრივი, ჭი-
დაობა, დოლი, ბურთაობა, ფარიკაობა, ხელით ნამუშევართა ბაზ-
რობა და სხვ., რაც ასე დამახასიათებელი იყო აღნიშნული დღესას-
წაულისათვის და რასაც დიდი აღმზრდელიობითი მნიშვნელობა
ჰქონდა.

ხალხური დღესასწაული ისე უნდა გაიმართოს, რომ მას სია-

1 „ივერია“, 1894, № 82.

2 „ივერია“, 1901, № 257..

მოვებით მიაშუროს თითოეულმა მოქალაქემ. ეს კი შესაძლებელი გახდება მაშინ, როცა სისტემატურად ვიზრუნებთ მასზე და არა მხოლოდ დღესასწაულის წინა დღეს. მხოლოდ კარგად მოფიქრებული და გულმოდგინედ წარმართული საქმიანობით მივალწევთ სასურველ შედეგს.

ბერიკაობა-ყეენობა საქართველოს ყველა კუთხეში უნდა მოეწყოს; ყველა მხარეს თავის ინდივიდუალური და განსაკუთრებული სათქმელი უნდა ჰქონდეს. დღესასწაულს მაშინ ექნება სოციალური ძალა და მნიშვნელობა, როცა ყველა მონაწილე შეუზღუდავად შესძლებს თავისი ნაზრების და შესაძლებლობის გამოხატვას.

მაგრამ ეს იმას არ ნიშნავს, რომ ყველა წეს-ჩვეულება და რიტუალი დაეამკვიდროთ. დღესასწაული უნდა აღდგეს ცალკეული მხარეებისათვის დამახასიათებელ თავისებურებათა გამოვლინების კონკრეტული საშუალებებით, რაც გარკვეულად ხელს შეუწყობს ახალი თაობის ზიარებას ეროვნულ ტრადიციებთან.

ძველი და განახლებული დღესასწაულის ორგანული დაკავშირებისათვის სწორი გზა უნდა გამოინახოს, იგი უნდა იყოს თვითმყოფადი, თავისუფლების, მშვიდობისა და ხალხთა შორის მეგობრობის მქადაგებელი.

ბერიკაობის გამართვა უნდა დაეწყოს სკოლებში, უმაღლეს სასწავლებლებში, სამეცნიერო დაწესებულებებში, დიდ წარმოებებსა და ფაბრიკა-ქარხნებში. ძველი დღესასწაულის კვალზე აქაც უნდა გაითვალისწინონ შიდანაკლოვანებანი, შეაქონ მონაწილენი. დღესასწაული შეიძლება გაიმართოს ახალწელს, გაზაფხულსა და შემოდგომაზე.

დღესასწაულის ყველა მონაწილე ნიღბით და შესაფერისი ტანსაცმლით უნდა მოირთოს. ლხინის დროს ცეკვა-თამაში და სიმღერა, მოლექსეობა, კაფიაობა და სხვ. მხოლოდ ადგილობრივი ძალეზით უნდა შესრულდეს. ამ დღესასწაულს არ შეშვენის მოსაწვევი ბარათი, კათედრა, საბათიო პრეზიდენტი, აქ ყველა: დიდი და პატარა ერთნაირი ხალისით უნდა ჩაებას საერთო ფერხულში.

დღესასწაულის მონაწილემ სასურველია ნიღაბი, ტანსაცმელი და სამშვენისი თვითონ მოამზადოს.

ნიღაბი გამოხატავს ადამიანს ან ცხოველს და სხვადასხვაგვარია: თავზე ჩამოსაცმელი „ქუდ-ნიღაბი“, სახეზე ასაფარებელი, თავზე, თვალებზე, ნიკაპსა და ტუჩებზე გასაკეთებელი და ჩასაცმელი ან მოსასხამი ნიღაბ-სამოსი.

ნილაბის მოსართავად უნდა გამოიყენონ: სხვადასხვა ფრინველის ფრთები, ბუმბული, ბაფთები, წვერ-ულვაშისათვის მატყლი ან ხელოვნური თმა, ხის ქერქი, ნამჯა, ტყავი, გოგრა, ფერადი ან დანიშნული ქსოვილი, ცხოველის თავის ქალა. დედოფლის ნილაბი: „ლეჩაქი“ და „გვირგვინი“ ძირითადად მარლისა და მძივებისაგან გაკეთდება.

შესამოსავად გამოიყენებენ ძველ ტანსაცმელს, მარლის ქსოვილს; ზოგი ჩოხა-ახალუხსა და კაბა-მანდილს ჩაიცვამს.

სამშვენისებს დაამზადებენ ფერადი ქალაღისა და მძივებისაგან (შეიძლება რძის პროდუქტების კურკლისათვის განკუთვნილი „საცობის“ გამოყენებაც).

წარმოება-დაწესებულებებში ჩატარებული ბერიკაობის გავლენით, ბუნებრივია, სხვა დღესასწაულების დროს გამოყენებული ბერიკაობის მოდელი თანდათან შეიცვლება და გახალხურდება, გათანამედროვედება. ამის შემდეგ საფუძველი გვექნება მასიური საქალაქო და სასოფლო დღესასწაულის მოსაწყობად.

სასურველია, რომ ძეგლთა დაცვის მთავარ სამმართველოსთან არსებული ძეგლების ფოტოფიქსაციის სპეციალურმა ლაბორატორიამ იმუშაოს ეთნოგრაფ-სპეციალისტთან ერთად მნიშვნელოვანი დღესასწაულების აღნუსხვაზე და იგი კინოფირზეც გადაიღოს. გადაღებულ მასალას უნდა ახლდეს სათანადო ინფორმაციული ცნობები რამდენიმე ენაზე. ამ გზით შემდეგ თაობებს შესაძლებლობა ექნებათ თავის თვალთ იხილონ წინაპართა ნამოღვაწარი.

ცხადია, ყოველგვარი შემოქმედებითი პრობლემის გადაწყვეტა ხელოვნურად და ძალდატანებით შეუძლებელია, ისე კი წამოჭრილი საკითხის მოგვარება სასურველია, თუმცა მისი განხორციელება ბევრ შრომას საჭიროებს.

ბერიკაობა

წინამდებარე წიგნის ფარგლებს სცილდება ბერიკაობა-ყვენობის მეტნაკლებად სრული აღწერა. ჩვენი მიზანია მხოლოდ წარმოვადგინოთ დღესასწაულის ზოგადი სურათი და მოკლედ დავახასიათოთ მისი ბუნება ყველა კუთხის თავისებურებათა მიხედვით.

გაზაფხულზე, ყველიერში, სოფელსა თუ ქალაქში საზეიმო განწყობილება სუფევდა. სოფლის მამაკაცები — ახალგაზრდები და მოხუცები მოედნებზე შეიყრებოდნენ და გაზაფხულის სადიდებელი

დღესასწაულის სამზადისს იწყებდნენ. აირჩევდნენ ბერიკაობის მონაწილეებს: თავბერიკას, დედოფალს, ბერიკებს, სურსათ-სანოვავისათვის კალათების დამტარებლებს და მუსიკალურ ინსტრუმენტებზე დამკვრელებს, რომელთაც წინა წლების გამოცდილების მიხედვით ასახელებდნენ, ხოლო ახალი წევრების არჩევისას თითოეული მათგანის უნარს ითვალისწინებდნენ.



სურ. 2. ბერიკას ნაბდის ნილაბი თოჯინით

რალა არ იყო სამზადისის დროს აქ მოტანილი— თხის, ცხვრისა და ხარის ტყავები, ტყავ-კაბები, საქონლის კუდები, გოგრის, ნაბდის, მუყაოსა და ქალაღდის ნილებები, ღორისა თუ თხის გამხმარი თავები, სხვადასხვა ცხოველთა რქები და ბუმბული... „სადედოფლო“ ქართული კაბა და ნაირი სახის თავსაბურავები, ფერადი ქალაღდები, ნაჭრის ჭრელი თოჯინები, ზარები და კრიალოსნები. ინა და ნახშირი; სიმინდის ნაჭურის, ხისა და რქის წითლად შეღებილი „კონკილა“—ფალოსები, ხისაგან გათლილი ხმალ-ხანჯლები, ფარები და შურდულები. აქვე კეთდებოდა სხვადასხვა ფერის მალაღი აღმები და ჩირაღდნები. მიწაზე ეწყო სანოვავის შესაკრები ჭრელი ხურჯინები, მორჩილა გუდები, კალათები, ხელაღები და დიდი კოკები.

ამ სამზადისს სახელდახელო ღვინით, სიმღერითა და ცეკვა-თამაშით დამთავრებდნენ. მესტვირე ბერიკულს უკრავდა, მოხუცები ძველ ბერიკაობა-ყეენობას, განთქმულ ბერიკას და ცნობილ რაჭველ მესტვირეებს გაიხსენებდნენ. ისმებოდა მათი მოსავონარი და სადღეგრძელო, არც თუ სოფლის საჭირბოროტო საქმეებს ივიწყებდნენ.

მეორე დღით ბუკის ხმა სოფელს დღესასწაულის დაწყებას ამცნობდა და მონაწილეთა მოკაზმვაც დაიწყებოდა.


ბერიკაობის მთავარ პერსონაჟად — „თავბერიკად“ ახალგაზრდა მკვირცხლ ვაჟს ირჩევდნენ, რომელიც ცხვრის ბეწვიან ქურქს იცვამდა ან თხის ტყავს წამოიხურავდა ხოლმე. მონაწილეთა უმრავ-

ლესობა შემოსილი იყო ცხოველის ნიღბით. ისინი თხის, ცხვრის, ხარის ან ღორის ტყავებსა და ტყავკაბებში ეხვეოდნენ. უკან საქონლის კუდს, ხოლო წელზე ხის ან რქის ფალოს იკეთებდნენ. სახეზე გოგრის, ნაბდის, მუყაოსა და ქაღალდის, ან ცხოველთა თავის ნიღბს აიფარებდნენ. ზოგჯერ ისინი ღორისა თუ თხის გამხმარი თავებით, სხვადასხვა ცხოველთა რქებითა და ბუმბულებით, ნაჭრის ჭრელი თოჯინებით, ზარებითა და კრიალოხნებით ირთებოდნენ. ხშირად სახეს ნახშირით იღებავდნენ. იმერეთში ბერია აყიროსა და ხაპის ნიღბით— „კვანაბერათი“ გამოსახული პირი იყო. „იმერული“ ბერია ტყავის სამკუთხა ფორმის ქულ-ნიღაბსაც ატარებდა.

კვანის ნიღაბი ამოჭრილი იყო თვალების და ცხვირის გამოსაჩენად, [აყალო მიწისაგან [გამოყვანილი ტუჩები ჰქონდა მიკრული, ხოლო კბილებს ტუჩებში ჩასმული სიმინდის მარცვლები წარმოადგენდა. ბერიკას სიძლიერე გამოხატული იყო ღორის ჯაგრისაგან დამზადებული და ნიღაბზე მიკრული ულვაშებითა და წარბებით; იცოდნენ ნიღაბზე წარბის დახატვაც.

ზოგჯერ ბერია შავად შეღებილ ლოყებზე თეთრ ულვაშებს აიწყებავდა, თხის წვერს გაიკეთებდა და თავზე ნაბდის გრძელ ყურებს რქებივით დაიმაგრებდა; ბერია თხის რქებსაც დაიდგამდა ზოლმე ან თავზე ჩაღაბურდას შემოიხვევდა და შიგ ეკლიან მცენარეს ჩაიმაგრებდა.

დღესასწაულის მეორე წვერი „დედოფალი“ || „კეკელა“, რომელსაც ვაჟი ასახიერებდა, საპატარძლო ტანსაცმლითა და ჩიხტითა და ლეჩაქით ირთებოდა. ბევრჯერ უნახავთ სოფლურ კაბაში ჩაცლილი და ჭრელი ჩითის ნაჭრებით მოკაზმული დედოფალიც; მას თავზე თეთრი ან ფერადი შალი ჰქონდა მოხვეული. ქართლის ზოგიერთ სოფლებში დედოფალს თავზე „გვირგვინი“ ედგა, ხოლო ზოგან ფრინველის სხვადასხვა ფერის ფრთებით შემკული ქული



სურ. 3. ბერიკას „კვანის“ ნიღაბი.




სურ. 4. „კეკელა“ — „დედოფალი“.

ეხურა. მას მიძივებს ჰკიდებდნენ, სახეს კი ფერადი საცხებლით
ულეზავდნენ.

„არაბს“, „ლეკს“, „თათარს“, რომლებიც ერთსადიმავე ფუნქ-
ციას ასრულებდნენ დღესასწაულში და ამიტომ სხვადასხვა ადგი-
ლებში ერთმანეთს ენაცვლებოდნენ, ჩალის ქუდი ან ფაფახი ეხუ-
რათ, ჩოხა-ახალუხი ან რაიმე ძველმანი ეცვათ და ძონძები ეკი-
დათ. ისინი ყალიონს წევდნენ, ხელში დიდი ჯოხი ეკავათ და ყელზე
ზარჩამოკიდებულები დადიოდნენ. ბერიკების მსგავსად ისინიც
სოფლის დარბევის მთავარი მონაწილეები იყვნენ.

„ნათლიას“, რომელსაც დედოფლის დაცვა ევალებოდა თავდა-
მსხმელებისა და მოტრფიალებისაგან, ჩოხა-ახალუხი ეცვა.

„მღვდელს“ ანაფორის მსგავსი ტანსაცმელი ეცვა და ოლარო



სურ. 5. ბერიკის ნაბღის ნიღაბი

ეკიდა; იგი ხბოს ან ტყავის წამოსასხამსაც ატარებდა და ხშირად თხის ბალნის წვერ-ულვაშით იყო მორთული. მას საცეცხლურის მაგიერ ხელში ხბოს კუდი ან მოწული ხის ჭურჭელი ეკავა, რომელშიაც საკმევლის ნაცვლად ცეცხლწაქილებული ნაკელი ეყარა.

„მეზარგულეებსა“ და „მეკალათეებს“, რომელთაც პატარა ბიჭები ასახიერებდნენ, საგანგებო ტანსაცმელი არ სცმიათ. ხანდახან ნიღბებს ისინიც ატარებდნენ და სხვადასხვაგვარად ითრვებოდნენ.

მომღერალ-მუსიკოსებსაც ზოგჯერ მოთელილი თექა ან ტყაპუჭი და ნიღაბი უტარებიათ.

ბერიკა და მისი ამაღა როგორც კი მორთვა-მოკაზმვას დაამთავრებდა, ბუკისა და ნაღარის ხმა სოფელს მათს მოსვლას ამცნობდა. ბერიკებს წინ თავბერიკა და დედოფალი მიუძღოდათ. მათ ხის ხმლებით, ფარებით, ჯოხებითა და შურდულებით შეიარაღებული ამაღა მოსდევდა. მესტივირენი, მეჩონგურენი, მეფანდურენი თავიანთ უნარსა და ოსტატობას აჩენდნენ. მესტივირე „ბერიკულს“ მღეროდა. „ბერიკული“ ძნელი დასაქრავი იყო, სტივის სხვანაირი მომართვა სჭირდებოდა, იგი მაღალ ხმაზე უნდა დაეყენებინათ. ქართლში ყველა სოფელს თავის „ბერიკული“ ჰქონდა, ბერიკათ ნამყოფის გადმოცემით — „დიღმური ბერიკული მუხრანულზე უფრო კარგი მოსასმენი იყო“.

ბერიკები კარდაკარ დაივლიდნენ სოფელს. ყველა სიხარულით ელოდა მათ; ეზოში შემოსულ მოთამაშეებს ოჯახის უფროსი შეეგებებოდა, სკამს მიართმევდა, მუხლმოყრილი თავის გაჭირვებას ეტყოდა და შველას სთხოვდა; აქვე, ეზოში, ბერიკა ჩონგურის ხმაზე ხტებოდა და ხის ხმლით ხელში ცეკვავდა. ცეკვის დროს ბერიკა დროდადრო ხმალს მიწას უსვამდა, რითაც მასპინძელს ანიშნებდა — სურსათ-სანოვაგე გამოგვიტანეო, ამაღა კი „ბერას ლექსს“ იმღერებდა:

„ბერიკაის კარსაო,
მიჰყრიალებ თვალსაო,
ჩქარა თუ რას გამომიტან,
თორო გიმტვრევ კარსაო“³.
„ანაგა და ბოდბისხევი
სერი-სერ მოქილებული,
დედი, მალე გამოგვიტა,

³ ს. მაკალათია, ფშავი, ტფ., გვ. 164.

ვირი გვყავ აკილებული".
„ბერა მოდგა კარავსაო,
აბრიალებს თვალბსაო,
ხელი ჩაკარ ხალამშიო,
ღმერთი მოგვეცეს ბარაქსო.
ვინცა ბერას არას მისცემს,
მელას მისცემს მის ქათმებსო, ჰო“ და სხვ⁴.

წინასწარ მომზადებული მასპინძელი ბერიკებს გულუხვად
უმასპინძლებოდა:

„მასპინძელს ყველა მზადა აქვს,
გველოდა დიდი ხანია,
გვითხრა: — რად ვაიგვიანეთ,
მოვიდა შუა ღამია,
რამდენი ხანი გელოდეთ.
- ვახშამი არ გვიჭამია;
ვაგვიმასპინძლა კარგადა,
ბერიკაზე აქვს თვალია“⁵.

გამასპინძლების შემდეგ ბერიკებს დაასაჩუქრებდნენ: ხორცს,
ფქვილს, პურს, ყველს, კვერცხს, თაფლს, არაყს და ღვინოს მის-

K179.222
3



სურ. 6. ბერიკის ტახის
ნილაბი.

4 სვანური პოეზია, ტ. I, გვ. 378.

5 აღ. უგონურაშვილი, ხალხური დღესასწაულები, მასალა ინახება
ხალხური შემოქმედების სახლის არქივში.

2. ჭელიტა რუხაძე

ქ. შარაშიძის სახ. სსრ
სსრ სსსპოცმოც
ჩისტაშვილი

ცემდნენ, რომლებიც პატარა ბიჭებს — მებარგულეებს და მეკალათეებს — დაჰქონდათ. ეს კარგად არის აღნიშნული მთიულურ ხალხურ ლექსშიც:

„ბავშვებსა ჰკიდავ გულები,
მასპინძლებზე აქვს თვალია,
გუდას მოიხდის, იძახის:
ცოტა ფქვილ ჩაგვიყარია,
ყველი და ხაჭო ჩაგვიდეთ,
ხორციც მოგვეცით მალია,
ახალგაზრდები ყვირიან:
არაჲ ჩაგვისხით ცხარია“⁶.

ბერიკები მასპინძლის ოჯახს დალოცავდნენ: „ღმერთო, მიეცი ამ ოჯახს ქონება და დოვლათი, რომ თვითონაც უკლებლივ ჰქონდეთ და სხვისთვისაც გაიმეტონო“. მათ ლოცვა სიმღერისა და ცეკვის დროსაც იცოდნენ:

„გაუსვი ფეხი მაგრადა, თან მიაყოლე ხელები,
ამ სახლის პატრონს აევისოს პირამდე პურით ბეღლები“⁷.

თუ ბერიკაზე მოსიარულენი ძღვენით უკმაყოფილონი დარჩებოდნენ, ბერიკა ან რომელიმე სხვა მონაწილე ეზოში გაგორდებოდა, რაც ცუდი ამბავის მომასწავებელი იყო. ხალხის რწმენით, მათი ყანები განადგურდებოდა, ოჯახში ხბო და ქათამი არ გაიზრდებოდა, ამას ოჯახის რომელიმე წევრის სიკვდილის გამოწვევაც შეეძლო.

მიუხედავად იმისა, რომ ყველა ოჯახი გულუხვად უმასპინძლებოდა ბერიკათა ამაღას, ისინი მაინც ცდილობდნენ ოჯახიდან რაიმე მოეტაცათ. „დარბევა“ „არაბს“, „ლექს“ ან „თათარს“ ევალეზობოდა, რასაც ოჯახი სიხარულით ხვდებოდა. ბერიკებისა თუ სხვა მონაწილეების მიერ საკმელ-სასმელის მოტაცება ოჯახს ბედნიერებას უქადაღა.

მასპინძლები ცდილობდნენ მთავარი ბერიკასათვის ან „თათარის“ და „მღვდლისათვის“ წვერ-ულვაშიდან ბეწვი ამოეგლიჯათ, რომელსაც საქონლის და წიწილების გასამრავლებლად ბაგაში და საბუღარში დებდნენ:

„გაგვიმასპინძლდა კარგადა, ბერიკაზე აქვს თვალია,
უნდა რომ წვერი მოგლიჯოს, მისთვის ეს გასახარია,

⁶ „სახუნჯე ხალხური შემოქმედებისა“, თბ., 1936, ტ. II, გვ. 204—209.

⁷ ვასახელბე დ. ჯანელიძის მიხედვით, ქართული თეატრის ხალხური საწყისები, თბ., 1948, გვ. 404.

ბერიკას შცველი გვერდს უდგა, ხელში უჭირავს ხმალია, მასპინძელს ახლოს არ უშვებს, ეს არის მისი ვალია, ცოტა წვერ თითონ მოვლიჯა, მასპინძელს მისცა მალია, დალოცა მათი ოჯახი — გამატოთ ღონე-ძალია⁸.



სანოვანით დატვირთული ბერიკები ახლა სხვა ოჯახს მიაკითხავდნენ და ასე მთელ სოფელს დაივლიდნენ. დიდმელი ბერიკები ლამისყანას, თეზს, ძალისს, ნატახტარს, მცხეთას, ქოჯორისსა და წილკანს მოივლიდნენ. ასეთივე გრძელი გზა ჰქონდათ მშველიეთელ ბერიკებსაც. ისინი მშველიეთიდან მიდიოდნენ ჭურთაში, გავაზში, მოკალიეთში, ხარბალსა და მონასტერში. ბერიკები გზადაგზა ისვენებდნენ და ცეკვა-თამაშს მართავდნენ. ხშირად შორეულ სოფლებშიც კი გადიოდნენ, თავიანთ ხელოვნებას ხალხს უჩვენებდნენ და „ხარკს“ კრეფდნენ. ისინი ყველა ოჯახის სასურველი სტუმრები იყვნენ.



სურ. 7. ბერიკას ნაბღის ნილაბი

კარდაკარ სიარულისა და სურსათის შეგროვების დროს დღისასწაულის მონაწილეთა მთელი გულისყური დედოფლისადმი იყო მიპყრობილი. მაგრამ დედოფლის ხელში ჩაგდება არც ისე ადვილი იყო. ხის ხმლებით და შუბებით შეიარაღებული მცველები მას წამითაც არ აშორებდნენ თვალს. ყველაზე მეტად მაინც მთავარი ბერიკა გამოირჩეოდა, რომელიც აშკარად იჩენდა დედოფლის დაუფლების სურვილს. ბერიკა მას სიყვარულზე თანხმობას სთხოვდა და საოცარ თავდაუტყერლობამდე მიდიოდა. დედოფლის აღერსის სურ-

⁸ „საუნჯე ხალხური შემოქმედებისა“, თბ., 1936, ტ. II, გვ. 204—205.

ვილს ბერიკასთან ერთად დღესასწაულის სხვა მონაწილენი და მკურებლებიც იჩენდნენ. „ვინც დედოფალს აკოცებდა, დოღლათიანი და ბედნიერი იქნებოდა“.

სოფლის, ქალაქის მოედანზე ან დიდი სახლის ბანზე „ნეფე-დედოფლის ქორწინების ინსცენირება ეწყობოდა. ბერიკა ეალერსებოდა დედოფალს, მას საუკეთესო მამულებს და ცხოვრებას ჰპირდებოდა; მოხიბლული დედოფალი თანახმა იყო ქორწინებაზე და ჯვრისწერა იმართებოდა. დედოფალს ისევე, როგორც ბერიკას, კიდევ უფრო „ააყვავებდნენ“, ჰრელი ნაჰრებით, ქალაღდებით, ყურძნის ჯაგნებით მორთავდნენ და ჯვრის დასაწერად ურმით ან ვირით წაიყვანდნენ. ვირი ჰრელ ძონძებშემოვლებული ლაგამით იყო შეკაშმული. მექორწინების წინ „ჯვრის პური“ ხელში „ნათლია“ მიუძღოდა. მას „მღვდელი“, ხის ხმლებით შეიარაღებული მცველები და დღესასწაულის სხვა მონაწილენი მოჰყვებოდნენ. გზაზე საღმე შეჩერდებოდნენ და ნეფე-დედოფალს „მღვდელი“ ჯვარს დასწერდა. ქორწინება სიმღერით, ცეკვა-თამაშით, ფერხულით და სხვადასხვა მუსიკალურ ინსტრუმენტზე დაკვრით მთავრდებოდა. ამის შემდეგ ნეფე დედოფლის ალერსს იწყებდა; ხალხი მათთან ერთად მხიარულობდა, მღეროდა და ცეკვავდა. ამ დროს იცოდნენ შაირები და კაფიაობა.

ზოგჯერ ქორწინების შემდეგ „დედოფალის“ მცველები და ამალის წევრები ბერიკას კლავდნენ. პატარძალი დასტიროდა გარდაცვლილს, სახეს იკაწრავდა და სასიყვარულო სიტყვებით და ვიშით მიმართავდა. ხალხი პატარძალთან ერთად „ტიროდა“. „მიცვალელებული“ მიჰყავდათ და მას „ტირილითა და გოდებით“ მიაცილებდა მთელი ამალა. ანდერძი მღვდელს უნდა აეგო, რომელიც „ჯონის ცხენზე“ ან ვირზე უკულმა გადამჯდარი მოდიოდა. ამ რიტუალის დროს მესტვირე „ბერიკულს“ უკრავდა და ხალხი სტვირის ხმაზე „ტიროდა“.

„არაბი“ და „ლეკი“ განსაკუთრებულ ეროტულ სურვილებს იჩენდნენ „დედოფლის“ მიმართ, ამშვიდებდნენ მას და მერე იტაცებდნენ. მკვდარ ბერიკას გოდებით ჩასძახებდნენ „დედოფლის“ მოტაცების ამბავს, რის შემდეგაც ბერიკა გაცოცხლდებოდა, ეძებდა „დედოფალს“ და პოულობდა კიდევ. გაცოცხლებულ ბერიკას სიხარულით ხვდებოდნენ და ისევ ცეკვა-თამაშს გამართავდნენ, კვლავ იწყებოდა გრანდიოზული ზეიმი, ისმოდა სიმღერა, ყიყინი, ხალხი ამ სანახაობით ერთობოდა.

დღესასწაულის დასასრულს მოედანზე სხვადასხვა უბნის ან სოფლის ბერიკების ხელჩართული ბრძოლა და ჭიდაობა იმართებოდა. დამარცხებულ მხარეს შეგროვილ სურსათს ართმევდნენ. ამ ბოზდნენ — „მოსავლის დოვლათიც გამარჯვებულთა სოფლებში დატრიალდებოა“.

საერთო ხარჯითა და შეგროვილი ნადავლით მოწყობილი ღვინო-ნი დღესასწაულის ბუნებრივ დასასრულს წარმოადგენდა. „საბერიკო“ ვახშამი ლოცვა-ვედრებით, შაირებით, სიმღერით, ცეკვა-თამაშით და ფერხულით მთავრდებოდა. იცოდნენ ბურთის თამაში და ჭიდაობა.

ყ ე ე ნ ო ბ ა

„გერგეტს შაკაშმეს ყენი,
ჭული დახურეს ცხუსო,
სოფლები შამაჟლოეს,
ვერვინ იტყოლა ცუდსაო“;

დღესასწაულის მერვე დღეს, დიდმარხვის ორშაბათს, ყენობა იწყებოდა. ამ ორშაბათს სხვადასხვა სახელი ერქვა: შავი ორშაბათი, კუმეტი, დიდი ორშაბათი, დიდმარხვის ორშაბათი და წმინდა ორშაბათი. ყენობა ზოგჯერ ყველიერის უკანასკნელ დღეს იწყებოდა, მოუსავლიანი და ცუდი წელიწადის დროს კი მას საერთოდ არ მართავდნენ.

დიდმარხვის ორშაბათ დილას აიშლებოდა მთელი სოფელი, ხალხს სახლში გული აღარ უდგებოდა და დღესასწაულისათვის საგანგებო სამზადისი დაიწყებოდა. ირჩევდნენ ყენსა და მის ამაღლას, ამზადებდნენ მათთვის განკუთვნილ ტანსაცმელს და საჭირო სასმელ-საჭმელს.

ყენობაში იყენებდნენ როგორც გასულ წელს ნახმარ ტანსაცმელსა და ნიღბებს, ასევე ბერიკების ტანსაცმელს. ხან კი ნიღბებს ხელახლა იკერავდნენ. ამ დღისათვის წინასწარვე თლიდნენ ყვარისა და ფიცრისაგან ხმლებს და წარნაქით ღებავდნენ. აკეთებდნენ მაღალ მტრედისფერ დროშას, რომლის სიმაღლითაც მიმდინარე წლის მოსავლის რაოდენობას განსაზღვრავდნენ; და ამზადებდნენ ჭრელი ნაჭრის და ქაღალდის სამკაულებს, ზარებს მეფის ცხენისა და ყენის ვირის მოსართავად.

მომხიბვლელია სოფელი ამ დროს, ან რა აღწერს სამზადისის თავდავიწყებულ გატაცებასა და სიამოვნებას.

ზოგჯერ დღესასწაულისათვის საჭირო ღვინოსა და ქიზინაულს



სურ. 8. ყენის „წოწოლა“ ქუდი.

ერთი ოჯახი იძლეოდა, რომელსაც შემდეგ ხალხი მკაში ან ზენა-თესვაში ეხმარებოდა.

ხევი საძოვარ მთებს აჭირავებდნენ და აღებულ ფულს დღესასწაულს ახარჯავდნენ, საკლავსაც ამ საერთო ფულით ყიდულობდნენ. ამავე დროს ყველა ოჯახი ემზადებოდა და, მიუხედავად მარხვისა, ქაღითა და ნაზუქებით ივსებოდა სუფრა. ორშაბათ დღეს ხდებოდა „ყენისა“ და მისი ამალის შერჩევა. ზოგიერთ სოფელში ყოველ წელს ახალ ყენს ასახელებდნენ, ზოგან კი მას „ფებს დაუცდიდნენ“, კარგი ფების მქონეს—ბედნიერი წელიწადის მომტანს, ისევ აირჩევდნენ, ხოლო თუ მას მძიმე ფები ჰქონდა, გამოცვლიდნენ და ახალს დასვამდნენ. ყენად ირჩევდნენ ენამოსწრებულ, მკვირცხლ, ღონიერ ახალგაზრდა კაცს, უფრო ხშირად ახალდაქორწინებულს.

თუ სოფელში რამდენიმე „ნეფე“ იყო, მათ შორის ყველაზე წარმოსადეგს და ბრგეს დააყენებდნენ, რათა იმ წელს შალალი და ღონიერი მოსავალი მოსულიყო. იმერეთში ყენი უნდა განესახიერებინა ღარიბ ახალგაზრდა კაცს, რომელსაც ხორავის დიდ ნაწილს ან ფულს დაჰპირდებოდნენ ხოლმე, მაგრამ ის არჩევაზე არ დათანხმდებოდა, ვიდრე დანაპირების შესრულებისათვის თავდებად ხანში შესული პატრისაცემი პირი არ დაუდგებოდა. მაშინვე ირჩევდნენ ამალის წევრებს: „დედოფალს“, ბერიკებს, „თა-

თარს“, „ლეკს“, „ჩაფრებს“, „კუროებს“ ანუ „ბულებს“, „ვეზირებს“, „ნათლიას“, „მაყრებს“, მუსიკალურ ინსტრუმენტზე დამკვრელებს და სურსათის შემგროვებლებს — „მოკალათეებს“; ამ დებდნენ მათს ტანსაცმელს, ხის იარაღს, ალმებს. შესაფერისად რთავდნენ ყველა მონაწილეს, განსაკუთრებით კი „ყენს“ და „დედოფალს“.

ყენი სხვადასხვაგვარად იყო მორთული. იმერეთში იგი ჯვლოებით და ქილოფით იყო შემოსილი, ზოგჯერ ბანჯგვლიანი ქურჭი ეცვა, ან შავა ახალუხი და განიერი შარვალი. არც თუ იშვიათად იგი „სამეფო“ ტანსაცმლითაც მორთავთ.

ქართლ-კახეთში ყენს, ბერიკას მსგავსად, ცხვრის ვადმობრუნებული ტყავ-კაბა ეცვა ან ტყავწამოხურული დადიოდა, უკან კი საქონლის ან წნელისა; ან გაკეთებულ კუდს იმაგრებდა. ტყავუჭზე მას ქამარი ჰქონდა შემოკრული, რომელზედაც კამეჩის ან ხარის კანკის ძვალი, წითელ ნაქერ-შემოხვეული ან შეღებილი სიმინდის ნაქერჩი ან ხის მოკლე ჯოხი ჰქონდა დაკიდული.

ზოგ ყენს ჩოხა-ახალუხი სცმია, ზოგს ყარაჩოღელის ტანსაცმელი; ქალაქში ხშირი ყოფილა მეფე ერეკლეს მსგავსად მორთული ყენიცი, რომელსაც „მეფეს“ ეძახდნენ. ყენს ყელზე ყველიერში გამომცხვარი ნაზუქის კვერი და საგანგებოდ დამზადებული შამლის თავი ეკიდა, რომელსაც ნისკარტში თავისივე ბრჭყალი ჰქონდა გაყრილი. ყენს ხშირად ყურძნის გამხმარი ჯაგნებით, კაკლის ბრიალებით, ხახვის გალათი ან ფერადი მძივებით შეამკობდნენ.

იმერეთში ყენს წვერ-ულვაშით დამშვენებული „კვახაბერა“



სურ. 9. ყენი „წოწილა“ ქედით.

ეფარა ან სახე შავად ჰქონდა შეღებილი. თავზე ეხურა „შაქრის თავის“ მსგავსი ქალაღის ან ცხვრის ტყავის მაღალი ქუდი, რომელსაც „გულის ტყავის“ ქუდსაც ეძახდნენ.

ყვენი სახეზე ქალაღის ან მუყაოსაგან დამზადებულ ნიღაბს იფარებდა, რომელიც პირისფრად ან წითლად იყო შეღებილი. უფრო ხშირად კი იგი სახეს შავად იღებავდა, ფერად ან შავი ნაბღის ნიღაბსაც იკეთებდა, თავზე რქებს იდგამდა და ღორის ჯავრის ან თხის ბეწვის წვერ-ულვაშით იყო მორთული. ნიღაბი ამოჭრილი იყო თვალბისა და ცხვირის გამოსაჩენად.



სურ. 10. ყვენი თავზე კრუხით და საბუღრით.

კახეთში ყვენის ქუდის მაგივრობას კრუხის საბუღარი სწევდა, რომელშიც ხშირად ცოცხალი კრუხი იჯდა. საბუღარი ფერადი ბუმბულეებით იყო მორთული. ქალაქებში — გორსა და თბილისში, გამართულ ყვენობაში ყვენი სპარსულ ჩაღმასაც ატარებდა.

დედოფალი, რომელსაც აქაც ფერუმარულწასმული, ხელოვნური მკერდით დამშვენებული ვაჟი ასახიერებდა, ჩიხტი-კობით ან



აბრეშუმის წითელი ქალაიათი იყო მორთული. მას ქართულ ან სოფლურ ყაიდაზე შეკერილი ჩითის კაბა ეცვა. კაბას ამშვენებდა ქრელი ქამარი და მასზე ჩამოკიდებული კამეჩის რქა.

დღესასწაულის მონაწილე სხვა ბერიკებსაც ცხვრის მოკლე გადმობრუნებული ტყავ-კაბები ეცვათ და თავზე ნაბდისგან შეკერილი შავი ქუდ-ნიღბები ეხურათ.

კურო (ბულა) თავზე ხარის რქებს იმაგრებდა და ხარის ტყავს წამოისხამდა ხოლმე.

ზოგჯერ დღესასწაულში არა მარტო ყენი და დედოფალი იღებდნენ მონაწილეობას, არამედ „მეფე“ და „დედოფალიც“, რომელთაც „მეფური“ ტანსაცმელი ეცვათ. გვირგვინიან „მეფეს“ ხელში კვერთხი ეკავა. მათი ცხენი ან ვირი ქრელი ნაჭრებით და ფერადი ქაღალდებით იყო მორთული. სანახაობას მუდამ თან ახლდა მუსიკალური საკრავების ხმა; დემკვრელები ხან ფანდურს ჩამოკრავდნენ, ხან დაირას და დოლს ააქლერებდნენ, ზოგი ლარკებიან სტივრზე უკრავდა.

როდესაც დღესასწაულის მონაწილეთა მორთვა-მოკაზმვა დამთავრდებოდა, მეგანგაშე ბუკითა და ნალარით სოფელს ყენობის დაწყებას ამცნობდა. სოფლის თუ ქალაქის მოედნები უმალ ხალხით აივსებოდა და მერე ყენი და მისი ამაღა გამოჩნდებოდა, იგი ზოგჯერ ვირზე ან ცხენზე უკუღმა შემჯდარი მოდიოდა და ხალხი ყვირილით მოსდევდა. ყენი ვირზე გაქვავებული სახით იჯდა, პირზე ერთი ღიმილი არ მოსდიოდა, თითქოს მთელი ქვეყნის ჭირვარამზე ფიქრობდა. აღევნებული წვრილფეხობა სახედარს აწვალებდა, ზოგი წკირით უჩიხინებდა. ყენს სოფლის ცენტრში ან ბაზარში საგულდაგულოდ მომზადებულ „ტახტზე“ დასვამდნენ და თანმხლები თარჯიმანი მის ნებასურვილს გამოაცხადებდა. ასე იწყებოდა ყენის „მეფობის“ ხანა; იგი მაშინვე აკურთხებდა სოფელს, დალოცავდა გლეხის მარჯვენას, დედამიწის მოსავალს და ხალხს წმინდა ღიღამარხვის დადგომას მიულოცავდა. იგი ვითომ ღვთის ნებითა და სახელით ლაპარაკობდა. ამის შემდეგ თამაშს იწყებდა, გიჟური თავდავიწყებით მოძრაობდა და თხის რქით სხვადასხვა ეროტული ზასიათის მოძრაობას ასრულებდა. მერე ტახტზე ისევ დაჯდებოდა, მას ხელში ქარქაშიდან ამოღებული ხმალი და შამფური ეკავა, შამფურზე ვაშლი ან ხახვი იყო წამოგებული, მუხლებზე კი გადასახადის ჩასაწერი დავთარი ედო.

ტახტზე მჯდომი ყენის გარშემო მსლებლები: „ჯარისკაცები“

და მეალმეები იდგნენ. მათ ბუმბულებით შემკული ჯოხები, მარხა-
ლები და ჩირაღდნები ეჭირათ.

„ყენი“ თავის წინ ჩავლილ ქალს მოეალერსებოდა ხოლმე. ვად-
მოცემის მიხედვით, მოედანზე სხვადასხვა სანახაობაც იმართებოდა.
ყენი ძუნძულით წრეს ჩამოუვლიდა, წინ დაკიდებულ ჯოხს ამო-
ძრავებდა და ქალებს ეხვეოდა. ამალის სხვა წევრებიც ქალებს დას-
დევდნენ და ჰკოცნიდნენ. მეფანდურენი სატრფიალო შაირებს ამ-
ბობდნენ.

დამთავრდებოდა თუ არა ეს რიტუალი, დღესასწაულის მონა-
წილენი ოჯახებს ჩამოივლიდნენ, თითო ჭიქა არაყს ყველგან გადა-
კრავდნენ, ვის რას ეტყოდნენ, ვის რითი გაახარებდნენ. ბერიკების
მიერ სოფლის „დარბევა“ რამდენიმე დღე გრძელდებოდა. „ჩაფრე-
ბი“ კეტქის ქნევით ერეკებოდნენ „ტყვეებს“, რომლებიც ყენს
მდაბლად უკრავდნენ თავს, მოჰქონდათ „ხარკი“, იხოჭებდნენ მის
წინ და მორჩილებას უცხადებდნენ.

აღბათ, უძველესი რელიგიური აზროვნების ნაყოფია ის მაგი-
ურ-რელიგიური ქმედებების შემცველი წეს-ჩვეულება, რომელზე-
დაც ახლა ვიამბობთ. დღესასწაულის მონაწილენი ყველა ეზოში
შევიდოდნენ, მასპინძელი ვალდებული იყო გამასპინძლებოდა და
დაესაჩუქრებინა ისინი. წესად იყო დღესასწაულის მონაწილეთა
მიერ საქმლის მოტაცება და ეზო-ეზო ცეკვა-თამაშის გამართვა.
ზოგიერთი ოჯახის წინ ისინი ქორწინების ინსცენირებას აწყობ-
დნენ. ხალხის აზრით, ამ რიტუალს ისევე, როგორც სურსათის შეგ-
როვება-მოტაცებას, მნიშვნელობა ჰქონდა მომავალი წლის ხვავი-
სა და ბარაქის დაბეგებისათვის. აღბათ, ამ რწმენის გამო იყო, რომ
გულებითა და ხურჯინ-კალათებით დატვირთული ბერიკები ყენ-
თან მიდიოდნენ, თარჯიმანი კი აცხადებდა, ვისგან რა საჩუქარი
ჰქონდათ მიღებული ან „ხარკად“ წამოღებული, და იწყებოდა იმ
ოჯახების დალოცვა.

ყენი ხშირად მთელ სოფელს ერთად „ბეგრავდა“. იგი სოფ-
ლის ერთ-ერთ უბანში დაჯდებოდა, ქალღმერთსაგან გაკეთებული
ქოგრიტით სოფელს გახედავდა და გადასახადის შეწერას დაიწ-
ყებდა. „ბეგარა“ შედგებოდა ჩარეჭა ან კოდი ღვინის, არაყის და
საგზლისაგან, რომელსაც „მუხლის კვერა“ ერქვა. მასში შედიოდა:
ერბო, ყველი, ხაბიზგინები, ქადა, ხაჭაპურები. ამავე დროს ყენი
ხალხს ტყით, სათიბებითა და სამოვრებით ასაჩუქრებდა. ვისაც
ძროხა ჰყავდა, ცივის მთას დაულოცავდა, ვისაც ცხვარი—„ლექის
მთას“ და ა. შ.

გადასახადის გარდა, თვითეული ოჯახი ვალდებული იყო სა-
ციქველი მიეცა ყვენისათვის: ხონჩით ხილი, ჩურჩხელები და ყურ-
ძენი.



ზოგან ოჯახში მისული ყენი სიმინდის ტაროდან მარცვალს
ჩამოფშენიდა და ძღვენის გამო-
ტანს მისცემდა. მარცვალი ბარაქის
სიმბოლოდ ითვლებოდა, რომელსაც
საბუღარში მკდომ კრუსს აკმევედ-
ნენ. „ღოვლათის დასაბრუნებლად“
კი ყენისათვის უნდა მიეცათ ნახე-
ვარი ჩარეჭა ღვინო ან არაყი, პუ-
რი, ყველი და სხვ.

თუ ვინმე ძღვენს არ მიართ-
მევდა, ყენი გაგორდებოდა და
იტყოდა: „მოსავალი არ მოვივი-
დეთ, სულ ავით იყავით“. ხალხი
ეხვეწებოდა: „ნუ გაგორდები, თო-
რემ ქათამი არ მოგვიკრუხდება და
ცუდათ ვიქნებითო“. თუ ნადავლის
წამოღების დროს ვინმე წინააღმდე-
გობას გაუწევდა, ყენი მას აჯარი
მებდა—გადასახადს ორმაგად ახდე-
ვინებდა. შემდგომ ამისა, მიუტან--
დნენ ყენს, როგორც მეფეებს მი-
ართმევდნენ ხოლმე, ხონჩით სავსე სანოვაგეს, ზედ ეწყო გოზინა-
ყი, ტკბილი კვერი, ქადა, ერბოყველი, სასმელი თასებით და სხვ-
თუ დღესასწაულის მონაწილენი რომელიმე ოჯახს არ ესტუმრე-
ბოდნენ, ძალიან სწყინდათ, ეშინოდათ, რომ ამის გამო გვალვა
შეაწუხებდათ და ცუდი მოსავალი მოუვიდოდათ.



სურ. 11. ყენისა და პერიკას
ნიღაბი

დღესასწაულის ერთ-ერთი მთავარი მომენტი ყენისა და დე-
დოფლის დაქორწინება იყო. მონაწილენი ორ მოწინააღმდეგე ჯგუ-
ფად იყოფოდნენ. ყენი და მისი ამაღა ქალს გვარიშვილობის და
სიმდიდრის მიხედვით ირჩევდა. ისინი მოციქულს უგზავნიდნენ სა-
ბატარძლოს. ქალი უარს ამბობდა გათხოვებაზე. ამით განრისხებუ-
ლი ყენი მას მუქარას უთვლიდა და თავის ამალითურთ მოსატა-
ცებლად მიდიოდა. იმართებოდა ჩხუბი, რომელიც ყენის გამარ-
ჯვებით მთავრდებოდა. მოტაცებულ დედოფალს ყენი ეალერსე-

ბოდა. სურვილებს და ზრახვანს აყოლილი, თუ მოახელოებდა, არც სხვა ქალებს ინდობდა. მოღლილი მიწაზე ან საგანგებოდ მომზადებულ ხალიჩაზე დაწვებოდა, მის გარშემო ხალხი ჩირაღდნებითა და მაშხალებით იღვავდა, ლაღობდა და ყაყანებდა.

ამის შემდეგ იმართებოდა ყეენის გამარჯვებისადმი მიძღვნილი საზეიმო ცერემონიალი, მაგრამ მისი მეფობა დიდხანს არ გრძელდებოდა.

დღესასწაულის მონაწილეებმა გუთნის წყალში შეტანაც იცოდნენ. გუთანში ხარებივით ორი კაცი შეებმებოდა, ყეენი და დედოფალი კი გუთნის ღირღიტაზე ისხდნენ და ერთმანეთს ეალერსებოდნენ. ამ დღესასწაულით ელოდა ხალხი, რომ გლუხკაცის სალოცავი მიწა ბევრ პურს მისცემდა და ბელლები მოსავალს ვერ დაიტევდა. ამ დღესასწაულითვე ცდილობდნენ გვალვის თავიდან აცდენას. და როდესაც ყეენს წყალს ასხამდნენ გაიძახოდნენ: „ნამ, ნამ, ნამ, ნამ მოსავალი“, „წვიმა და მოსავალი, წვიმა და მოსავალი“. თუ დღესასწაულის მონაწილენი სოფლის გარეთ გავიდოდნენ, წინ აუცილებლად ყეენი გაუძღვებოდათ, რომელსაც საღამოს მოახლოება შიშს გვრიდა, იცოდა, რომ გაწუწვა ან წყალში ჩაგდება არ ასცდებოდა. ყეენის წყალში ჩაგდება ან დასველება ისევე აუცილებელი იყო, როგორც წუწაობა. წყალს ყველა გამგელეს ასხამდნენ, გაუწუწავი თითქმის არავინ გადარჩებოდა. დასველებულ ყეენს ხალხი შეძახილებით ხედებოდა — „წრეულ კაი მოსავალი იქნება“. იმერელი გლეხის გადმოცემით „ყეენი რომ წყალში არ ამოავლონ, იმ წელიწადს კარგი მოსავალი არ მოვა“, თუ იმ წელიწადს სოფელს გვალვა შეაწუხებდა, ყეენობას გაიხსენებდნენ და იტყოდნენ: „ამ გაზაფხულზე ყეენად ეს კაცი რომ დავსვით, ყველაფერი იმის ბრალია“.

ზოგჯერ ყეენი და დედოფალი ურმით, სახედრით, ცხენით ან ხელში აყვანილები მდინარესთან მიჰყავდათ, მაყრიონიც მიჰყვებოდა. თუ ბინდი მოუსწრებდა, დღესასწაულს შუშუხუნებისა და ჩირაღდნების შუქზე აგრძელებდნენ.

დედოფალსა და ყეენს ან წყალში პირდაპირ ურმით შეიყვანდნენ, ან ცხენიდან და ვირიდან ხელისკვრით ჩაყრიდნენ და დილოცებოდნენ. ღმერთო, შენ გვაღირსე გაზაფხული, ნამი, წვიმა, კარგი წელიწადი.

წყალში ჩასული ყეენი ზოგჯერ თასით ღვინოს შესვამდა, სიმინდის კოტას ან რქას მოიხსნიდა, წყალს გაატანდა და იტყოდა:

„წადი, გამრავლდი ქვეყანაზე, კარგი მოსავალი მოიყვანეო“. ამის შემდეგ ყენი და დედოფალი ქუდებს მოიხდიდნენ, წყლით აავსებდნენ, ხალხს მიასხამდნენ, და თან დაილოცებოდნენ: გავიმრავლდეთ ძროხა, ცხვარი, კრუხი, წიწილა და ასე მრავალი მოგსვლოდეთ პური.

ქახეთში არც ყენის გაშიშვლებას ვრიდებოდნენ. მას წყლით სავე დიდ ნავში ან გეჯაში ჩააგდებდნენ და ამბობდნენ: გვალვა არ იყოს, ნელი წელიწადი, კაი წელიწადი მოვიდეს, სეტყვა მოგვშორდესო.

როცა ძალიან ციოდა. ყენს არ დაასველებდნენ, — „ყენი რომ ავად გახდეს, ცუდი მოსავალი მოგვივაო“.



სურ. 12. ყენის ნილაბი.

ქართლის ზოგიერთ სოფელს სამი ყენი ჰყავდა: ერთი კაცების და ორი ქალების. ქალების ყენები წყალში შედიოდნენ, ღვინოს სვამდნენ და ჭიდაობდნენ. წყალში ჩასვლა დღესასწაულის მონაწილე სხვა ქალებმაც იცოდნენ, ისინი ერთმანეთს თავგამეტებით წუწავდნენ. სოფლების ღრმა რწმენით, ქალების მიერ გამართული ყენობის დროს უფრო კარგი მოსავალი მოდის, პური და ღვინოც ბევრია და ავადმყოფობაც არ არის მოსალოდნელი.

ხალხით გარშემორტყმული ყენი წყლიდან ამოსვლისთანავე გაიხდიდა სველ ტანსაცმელს, მოიხსნიდა მოსართავს, ნილაბს და დაპირებულ საციქველს მიიღებდა.

წყლიდან ამოსულები ზოგჯერ იქვე ფილაქნის კერებს გამართავდნენ და ზედ ხორცის მოსახარშ ქვაბებს დადგამდნენ, სახელდახელო სუფრას შლიდნენ და დაგროვილ საციქველს პირს უსინჯავდნენ.

ყენი ყოველთვის როდი დადიოდა კარდაკარ. გადასახადს მისი მხლებლები აგროვებდნენ. აღსანიშნავია, რომ მდიდარსა და ღარიბს გადასახადს სხვადასხვანაირად ახდევინებდნენ.

ყენი და მისი ამაღა მხოლოდ ერთი სოფლის შემოვლით არ ემყოფილდებოდა. ისინი მახლობელ სოფლებშიაც დადიოდნენ და გზაზე „ხარკს“ კრეფდნენ: ზოგჯერ მხოლოდ ფულს იღებდნენ, ზოგჯერ კი გოზინაყს, ტბილ კვერს, წაბლს, ჩურჩხელებს, არაყსა და ღვინოს ითხოვდნენ.

ყენობის მოსაწყობად გაწეული ხარჯი აკრეფილი „ხარკით“



იფარებოდა. ხარკს ხშირად ქეიფის მოწყობას ახმარდნენ, ზოგჯერ კი ამ თანხას სხვა საქმეებისთვისაც იყენებდნენ — ლარიბ ოჯახს ან ავადმყოფს ეხმარებოდნენ, ხან ვინმე ლარიბ გასათხოვარ ქალს მშითვს გაუმზადებდნენ.

დღესასწაულზე მასობრივი ხასიათის ქიდაობა იმართებოდა. თავმოყრილი ხალხი ორ ნაწილად იყოფოდა; თვითეულს თავისი მეთაური, საგანგებოდ შერჩეული მოკრივეები და მოჭიდავეები ჰყავდა. ქიდაობის თუ ხელჩართული ბრძოლის ფალავანი ხშირად ყვენი ან მეფე იყო. ქიდაობაში კურობებიც იღებდნენ მონაწილეობას.

ყვენსა და მეფეს ან მებრძოლ ყვენებს წინ ფლავით სავსე სინები ედგათ, მეალმეებს ალმები ეკავათ, ხოლო მეჩირაღდნეებს — მაშხალები და ჩირაღდნები. მათ გარშემო კი სხვადასხვა სახის იარაღით აღჭურვილი ალმის დამცველები იდგნენ.

დაფა-ზურნის ხმაზე ორთა ბრძოლა იწყებოდა, მესტვირე საჭიდაოს უკრავდა. ქიდაობდნენ წელზევით შიშველი ახალგაზრდები, რომლებიც ქიდაობის დაწყებამდე ხალხს ყვენობას მიულოცავდნენ.

თუ მეფე და ყვენი ქიდაობდნენ, შეთანხმების მიხედვით ყოველთვის ყვენი მარცხდებოდა, მაგრამ ბრძოლა უფრო მეტად ნამდვილ ძალასა და მოხერხებაზე იყო დამოკიდებული. გამარჯვებულ მოჭიდავეს ხშირად ასაჩუქრებდნენ, დამარცხებულს კი დასცინოდნენ.

ორთაბრძოლა ხშირად ყვენსა და დედოფალს შორისაც იმართებოდა. დედოფლის მიერ ყვენის წაქცევა ცუდი წლის დადგომას მოასწავებდა, ხოლო თუ პირუკუ მოხდებოდა, ხალხი კარგ მოსავლიან წელიწადს მოელოდა და გახარებულებს ყვენი ხელში აყვანილი დაჰყავდათ.

ქიდაობა ზოგჯერ ხელჩართულ ბრძოლად გადაქცეულა, რომლის დროსაც „ხის ხმლები“, შურდულები და კეტები გამოუყენებიან. ლითონის იარაღის ხმარება არ შეიძლებოდა.

შებინდებისას სოფელში ღვინი იმართებოდა, სუფრა ხორაგით იყო სავსე და დაუსრულებელი ქეიფი ჰქონდათ. მართალია, ყვენობის დროს უამრავი სურსათ-სანოვაგე გროვდებოდა, მაგრამ მინც დღესასწაულისათვის შეკრებილი ფულის ნაწილიც იხარჯებოდა. ამავე დროს სუფრაზე ყველას თავის ოჯახში დამზადებული საჭმელიც მოჰქონდა. სადილისა თუ ვახშმის მომზადება ქალებს ჰქონდათ დავალებული, მაგრამ ღვინში მონაწილეობა არ შეეძლოთ.

ლხინზე უამრავი ხალხი იყრიდა თავს. სუფრის თავში ყენი იჯდა, რომელიც ზოგჯერ თამადაც იყო. ამ ლხინს გონიერი და მკერმეტყველი კაციც უძღვებოდა. პირველად ყენს დალოცავდნენ, კარგ ფეხს და ბედნიერი წლის მოყვანას უსურვებდნენ. სუფრაზე ნათქვამი სადღეგრძელოებიც მოსავლის სიუხვეს ეძღვნებოდა. იცლებოდა ჯამთასები, ილოცებოდა ოჯახები, ხარის ქედი, ცის ნამი, დედამიწის მოსავალი და კაცის მარჯვენა, ითქმებოდა ეროტული ხასიათის სიმღერა-ლექსები.

ვინც აქ მოსვლას არ დაიზარებდა, ყველა თავის წილ ულუფას ღებულობდა, ზოგი სასმელ-საჭმელის შინ წაღებასაც ახერხებდა. საღამოს უხუცესი მამაკაცები და ახალგაზრდები მოედნებზე კოცონს ანთებდნენ, სავსე მთვარის სინათლეზე წრეს შეკრავდნენ, მღეროდნენ, კოცონის ირგვლოვ ცეკვავდნენ, შემდეგ სწრაფად ტრიოლებდნენ და აგზნებული სიცილით ცეკვას ამთავრებდნენ.

ნაადრევი გაზაფხულის მშვენიერ ღამეში გათენებამდე ისმოდა ლხინის ხმა, როგორც ხალხის მადლობის გამოხატულება სიცოცხლისა და სიუხვისათვის.

სადღეისოდ ასე ახსოვთ ეს თავაწყვეტილი, ხმაურიანი, მართლაც, დიდებული დღესასწაული.

ამის შემდეგ სოფელი სიმშვიდეს ეძლეოდა, სადღესასწაულო მორთულობა ინახებოდა და ხალხი ისევ საქმიანი ცხოვრების ფერხულში ებმებოდა.

თაილისური ყიენობა

წარმართული მითოლოგიის წიაღიდან გამოსული ბერიკაობა—ყიენობა თანდათან საერთო სანახაობად განვითარდა და ქართველი ხალხის დამპყრობლებთან გმირული ბრძოლის გამომხატველი გახდა. ამ მხრივ განსაკუთრებით ქალაქური, მეტადრე თბილისური, ყიენობა გამოირჩევა.

ყველიერის უკანასკნელ დღეებში, ყიენობის დაწყებამდე რამდენიმე დღით ადრე, მთელი ქალაქი დღესასწაულისათვის ემზადებოდა. სეიდაბადის ხელოსნებს, ფეიქრებს, ხუროებსა და მჭედლებს დიდძალი სამუშაო უჩნდებოდათ. ამზადებდნენ ხის ხმლებსა და ხანჭლებს, საცერულებსა და შურდულებს, ყიენისა და სხვა მონაწილეთა ნიღბებსა და ტანსაცმელს.

ორშაბათს, დიდმარხვის პირველ დღეს, დაბახანის ხეობაში (ბოტანიკურ ბაღთან) საგანგებოდ გამოყოფილი პირები „ყიენისა“

და მისი „ამალის“ მოკაზმვის თადარიგს შეუდგებოდნენ. ჭრელ-
ტანსაცმლიან, სპარსულად მორთულ ყეენს მაღალი, წოწოლა ქუ-
დი ეხურა და სახე გამურული ჰქონდა, ზოგი ვადმობრუნებული
ტყაბუჭით დადიოდა. ყეენის ამაღა ბერიკულ თუ სხვა ნაირფერ
ტანსაცმელში იყო გამოწყობილი. მათაც ვადმობრუნებული ტყა-
ბუჭები ან მყვირალა ფერის მოსასხამები ეცვათ და სახეგამურუ-
ლები იყვნენ.

ქალაქს ყეენის გარდა „მეფეც“ ჰყავდა. სამეფო ტანსაცმელში
ჩაცმულ მეფე-დედოფალს თავზე ტოტებიანი გვირგვინი ედგათ.

ქალაქი ორ მოწინააღმდეგე ბანაკად იყოფოდა, ერთ მხარეს
მეფის ამალის წევრები და მათი მომხრეები იყვნენ, მეორეზე კი
ყეენი და მისი მარაქა.

1817—1827 წლებში ჩატარებული ყეენობის დროს თბილისი
ორ უბნად იყო გაყოფილი: ერთი იყო ისანი (საიდნაც ყე-
ენი უნდა გამოსულიყო) და მეორე ნარიყალა. ისნის მხარეს იყვნენ
ავლაბრის, ჩულღურეთისა და კუკიის მცხოვრებნი, ხოლო ნარიყალის
მხარეს ვერისა და სოლოლაკის მოსახლენი. ნარიყალის მარაქაში
გამოდიოდნენ მუხრანბატონი, ორბელიანი, ბარათაშვილი, ერისთა-
ვი და ერმოლოვი; ისნისაში კი კახეთის მებატონენი — ჭავჭავაძე,
ჩოლოყაშვილი, ვახვახიშვილი, ჯანდიერი და სხვ.

ორშაბათობით თბილისის სავაჭროები და სახელოსნოები არ
მუშაობდნენ. ხელოსანთა ამქრები საკუთარი ნიშნებითა და მემუ-
სიკეებით ორთაჭალის ვიწრო ყელისაკენ მიდიოდნენ, რათა ყეენის
ქალაქში შემოსვლა დაენახათ.

დღესასწაულის დაწყების დროს სახედარზე ან აქლემზე შემსხ-
დარი ყეენი და დედოფალი თავიანთი ამალით გამოჩნდებოდნენ.
ხმალამოდებული ყეენი თქარა-თქურით მოდიოდა. უკრავდნენ გულ-
შემზარავად, გაჰკიოდა საყვირები, ხშირად საომარი ჰიმნი „დოგუ-
შიც“ გაისმოდა. ყეენი „შემოესეოდა“ ჯერ ვანჯის კარს, ხარფუხს
და კალოუბანს, შემდეგ მთელ ქალაქს „ალყას შემოარტყამდა“ და
გზაჯვარედინებზე „ხარკის“ ასაკრებად თავის „მოხელეებს“ ჩააყე-
ნებდა, თვითონ კი სეიდაბადის მალლობისაკენ გასწევდა, სადაც
მისთვის „ტახტი“ იყო მომზადებული. ყეენის მოხელენი გამგლეულ-
გამომგლეღს იჭერდნენ და ხარკის გადასახდელად ან თავიანთისა-
ცემად ყეენთან მიჰყავდათ.

ასე „ბატონობდა“ ყეენი ქალაქზე შუადღემდე. შუადღისას
მას მოახსენებდნენ, რომ ქალაქი აჯანყდა და შენი ჩამოგდება სურ-


სო. განრისხებული ყვენი რაზმავდა თავის ხალხს და „განდგომი-
ლებს“ უტევდა. შეტაკება მთაწმინდის სერზე ეწყობოდა. ორივე
მხარე შურდულებით, ხის ხმლებითა და ხელჯოხებით იბრძოდა,
შემდეგ კი ხელჩართული კრივი იმართებოდა. ნარიყალელები იმარ-
ჯებდნენ, ყვენი და დედოფალი ქართველთა ჯარის ხელთ ვარდ-
ებოდა. გამარჯვებული მეფე და მისი ამალა მათ — დამარცხებუ-
ლებს, სახედრებზე პირუკულმა სვამდნენ, მტკვრის პირას მიჰყავ-
დათ და წყალში ყრიდნენ. დატყვე-
ვებულ ყვენს ხშირად ლაფშიც
ამოსვრიდნენ ხოლმე.

ხალხი ქალაქის ყვენისაგან და-
ხნას და მის „სიკედილს“ დღესას-
წაულობდა. მეფე და მისი მომხრე-
ები ქალაქში ილხენდნენ, ყვენი
კი ქალაქგარეთ ვადიოდა და ქეიფს
იქ აწყობდა.

შემდეგში დღესასწაულმა კი-
დევე უფრო იცვალა სახე. თბი-
ლისში ერთის მაგივრად რამდენიმე
ყვენობა ეწყობოდა. ყოველ უბანს
თავისი ყვენი ჰყავდა. პროცესიაში
მონაწილეობდნენ: ბერიკები, ნეფე-
დედოფალი მაყრებით, „სპარსელი
ყვენი“, ფრაკიანი და სათვალეზიანი
„მოსამართლე“ და სხვ. დღესასწაუ-
ლის მსვლელობა ავლაბრიდან იწყე-
ბოდა. ისინი მთელ ქალაქს მოივლი-
დნენ და გზაზე ხარკს კრეფდნენ. შემოწირულება მაღაზიებიდანაც
კი გამოჰქონდათ. აკრეფილი ფულით ვერის, ორთაქალისა და დი-
დუბის ბაღებში ქეიფი იმართებოდა.

უფრო მოგვიანებით ყვენობა ცარიზმის წინააღმდეგ მიმარ-
თულ სანახაობად გადაიქცა; მას, როგორც ეროვნულ-განმათავისუ-
ფლებელი ბრძოლის იარაღს, ჩვენი ცნობილი მწერლები, პოეტები
და მსახიობები დიდ მნიშვნელობას ანიჭებდნენ და მის უშუალო
ორგანიზატორებად თუ მონაწილეებად გამოდიოდნენ.

მეფის მთავრობას ეშინოდა ამ აშკარა სახალხო პატრიოტული
სანახაობისა და, როგორც ზემოთ აღვნიშნეთ, ყოველმხრივ ცდი-



სურ. 13. ყვენის ქული.

ლობდა, თუ ვერ აკრძალავდა, ჩარეულიყო მაინც დღესასწაულის საქმიანობაში. პოლიციის მოხელეებმა მოინდომეს ყვენობა ცარიულ ზმის ძლევამოსილების გამომხატველ დღესასწაულად გადაექციათ, მაგრამ ყვენობაში თანამედროვეობის ელემენტების შეტანა ხალხმა თავისებურად გამოიყენა და უფრო სრულად გამოხატა თავისი სიძულვილი ცარიზმისადმი. ყვენობაში მეფის უნიჭო გენერლებისა და პოლკოვნიკების გამასხარავება დაიწყეს, ყვენის მაგვირად პოლკოვნიკის მუნდირში გამოწყობილი პირი დასვეს და მეფის მოხელეების მიერ ქალაქის აწიოკების, დატყვევებისა და გაციმპირების ინსცენირება მოაწყვეს. ზოგიერთი უბნის ყვენებს „კაპიტნების“



სურ. 14. ყვენი

ტანსაცმელს აცმევდნენ და ვითომ მთვრალს მთელ ქალაქში ჩამოატარებდნენ.

მსვლელობაში შებორკილი „ტუსალებიც“ იღებდნენ მონაწილეობას, რომელთაც გარშემო შუბებით შეიარაღებული „ჯარასკაცები“ ეხვივნენ. ცხადია, ასეთი სახის ყვენობას მეფის მთავრობა ვერ შეურიგდებოდა. ეურნალო „კვალი“ 1894 წ. იუწყებოდა, რომ ეს დღესასწაული აიკრძალა და იგი თბილისელთა მყუდროებას აღარ დაარღვევსო. ხალხი ამ სანახაობას „ყვენობის კულის“ სახელით მალულად მაინც მართავდა. ქალაქელი ვაჭრები ორთაჭალაში მიდიოდნენ და მასხარას ტანსაცმელს იცვამდნენ, თავზე

ჩაჩს იხურავდნენ და ქეიფობდნენ. ლხინის მონაწილენი ფულს აგროვებდნენ, რომელსაც ვინმე ღარიბი გასათხოვარი ქალის მშითვისათვის ან სხვა საქველმოქმედო საქმიანობისათვის იყენებდნენ. ქეიფობდნენ დაღამებამდე და ჩირაღდნებით ხელში, ზურნითა და „კინტაურის“ ცეკვით ქალაქში ბრუნდებოდნენ.

ქალაქის ინტელიგენცია მხარს უჭერდა ყეენობის შენარჩუნებას.

ასე შეავსო ხალხმა ახალი შინაარსით ეს ძველი დღესასწაული და გამოიყენა თავისი მიზნებისათვის.

დღესასწაულის ბუნებისათვის.

ბერიკაობა-ყეენობის დღესასწაულმა უკვე XIX ს. მიიპყრო ქართველ მოღვაწეთა და მკვლევართა ყურადღება. ამ დროის პერიოდის ფურცლებზე გვხვდება რ. ერისთავის, გ. წერეთლის, ალ. ხახანაშვილის, მ. აბრამიშვილის და სხვათა ნარკვევები, რომლებშიც დღესასწაულის აღწერასთან ერთად მისი ახსნის ცდებია მოცემული. ამ ავტორთა სასახელოდ უნდა ითქვას, რომ მათ სწორად შენიშნეს ბერიკაობის თავდაპირველი წარმათული ბუნება. დღესასწაულის შესწავლა შემდგომში განსაკუთრებით გაღრმავდა საბჭოთა მკვლევართა — კ. კეკელიძის, ს. მაკალათიას, ივ. ჯავახიშვილის, დ. ჯანელიძის, ვ. ბარდაველიძის და სხვ. შრომებში.

საქართველოს სხვადასხვა კუთხეებში მოპოვებული ეთნოგრაფიული მასალა გვარწმუნებს, რომ ბერიკაობა-ყეენობა არ არის წარმოშობით ერთმანეთისაგან დამოუკიდებელი სხვადასხვა დღეობა, როგორც ეს სამეცნიერო ლიტერატურაშია ცნობილი, არამედ ყეენობა ბერიკაობის საფუძველზე ჩამოყალიბებული დღესასწაულია რომელშიაც ბერიკაობიდან მომდინარე წარმართული ხასიათის ელემენტებთან ერთად ქართველი ერის ისტორიული წარსულის ცალკეული ეპიზოდებიც აისახა.

როგორც აღწერილობიდან ჩანს, ბერიკაობა-ყეენობის ძირითად მიზანს ბუნების აღორძინება და ნაყოფიერება-სიუხვის მოპოვება შეადგენდა, იგი უშუალოდ ბუნების აღორძინებასთან დაკავშირებული ხანგრძლივი აგრარული დღესასწაული იყო. სწორედ ამიტომ ვამბობთ, რომ მასში უხვადაა წარმართული იდეების ანარეკლი. დღესასწაულში გვხვდება ქრისტიანული რელიგიის დანაშრევები, იქ უძველესი ხალხური თეატრის საწყისებიც იძებნება.

ბერიკაობა-ყეენობის მსგავსი წარმართული დღესასწაულები, სხვადასხვა ცხოველებად შენიღბულ პერსონაჟთა მონაწილეობით, ფართოდ იყო გავრცელებული ძველ აღმოსავლეთსა და ელინურ სამყაროში, ასეთებია—მესოპოტამიური თამუზისა და მიტანიური იშთარის, ფინიკიური აღონისის და ასტრატას, მცირე აზიაში ხეთე-

ბის ტელეპინუსის, ფრიგიელების ატიისის, ბერძნული დემეტრასა და დიონისეს მრავალდღიანი მისტერიები. ანალოგიური ხასიათის დღესასწაულები მასობრივი კარნავალების სახით ევროპის ხალხთა ყოფას ბოლო დრომდე შემორჩა. სწორედ ამ რელიგიური მონაცემების შედარებითი ანალიზის შეუქმე იხსნება ბერიკაობა-ყეენობის აღრინდელი ბუნება.

ბერძნულ მითოლოგიაში დიონისე ბერიკას მსგავსად სხვადასხვაგვარადაა წარმოდგენილი. ყველაზე მეტად იგი ცნობილია თხის გამოსახულებით. დიონისეების მონაწილენი თხის ტყავებს ატარებდნენ, თხისავე ნიღბებს, რქებს და ჩლიქებს იკეთებდნენ, სახეს შავად იღებავდნენ და ასე მორთულები ცეკვავდნენ და მღეროდნენ. ასე იყო თამუზისადმი მიძღვნილ საგაზაფხულო დღესასწაულზეც. ერთ-ერთი მონაწილე თხის ტყავითა და რქებით იყო წარმოდგენილი და სახეზე შავი ნაბდის ნიღაბი ეფარა. შემთხვევითი სულაც არ არის, რომ ამ დიდი მასშტაბის აგრარულ დღესასწაულზე შავი ფერი მიწის განმასახიერებელ ღვთაებას უკავშირდება. საგულისხმოა, რომ აგრარული კულტის ყველა პერსონაჟი, რომელიც მიწის უხვი მოსავლის მიღებას ემსახურებოდა, შავი სახის იყო.

ყურადღებას იპყრობს დღესასწაულის დამახასიათებელი ორგანიზმიც, რომელიც ადამიანის გარესამყაროზე ზემოქმედებას გულისხმობს. მთავარი მოქმედი პირის ქორწინებაც და დაკარგული დედოფლის ძებნა ბერიკას მიერ ამ სურვილების აშკარა გამოვლინებაა. ასევე, ბერიკას სიკვდილი, დატირება და გაცოცხლება მთელ აღმოსავლეთში გავრცელებული წარმოდგენა იყო ნაყოფიერების ღვთაების სიკვდილისა და მისი მკვდრეთით აღდგომის თაობაზე.

ბუნების აღორძინებისათვის განკუთვნილ დღესასწაულებში ნაყოფიერების გამომსახველ პერსონაჟს კლავდნენ იმისათვის, რომ გაცოცხლების შემდეგ განაყოფიერების ძალა გარესამყაროსათვის გადაეცა.

რაც შეეხება ყეენის წყლით დასველების წესს, იგი წვიმის გამომწვევ და განაყოფიერების მაგიურ აქტად არის მიჩნეული. ივ. ჯავახიშვილს ლაზარობის დღესასწაულის მთავარი პირის წყალში ჩაგდება ან მისი დასველება წარმართობის დროინდელ ღრუბელთა ბატონისადმი ადამიანის მსხვერპლად შეწირვის სიმბოლურ მოქმედებად მიაჩნია.

• ორიოდ სიტყვა იმ ცეკვების შესახებ, რომლებიც ბერიკაობა-ყეენობის დროს სრულდებოდა. აღნიშნული ითიფალური ცეკვები,

წრიული და ორსართულიანი ფერხულები ბუნების ძალების გან-
დიდებისათვის, საქონლის, მოსავლის ნაყოფიერებისა და ადამიანის
ბედნიერებისა თუ გამრავლებისათვის იყო გამიზნული.

• საყურადღებოა, რომ უძველეს ხალხებში თხასა და ცხვარს
ისევე, როგორც საერთოდ თეთრ ბეწვს, დიდი ნაყოფიერების ძა-
ლა მიეწერებოდათ. ამით იყო შეპირობებული ცხვრისა და თხის გა-
მომსახველ პერსონაჟთა და მათი ტყავ-ბეწვის განსაკუთრებული
მნიშვნელობა აგრარულ კულტებში.

ბერიკაობა-ყეენობისათვის ძალზე დამახასიათებელი ფალიუ-
რი კულტიც, გამოვლენილი დღესასწაულის, ნივთიერი ატრიბუტე-
ბისა და სექსუალური რიტუალების სახით, ორგანულად გამომდინა-
რეობს მისი არსიდან. ამ საგაზაფხულო დღესასწაულის მიზანს ხომ
ბუნების ნაყოფიერება-აღორძინება წარმოადგენდა.

თვითონ განსაჯეთ, თუ რამდენად ახლოა ერთმანეთთან ბერი-
კაობა-ყეენობა და ელინურ სამყაროში თუ ძველ აღმოსავლეთში
გავრცელებული დღესასწაულები; ორივე დღესასწაულში შესულია
ბუნების აღორძინების ღვთაებათა ციკლისათვის დამახასიათებელი
ელემენტები: რიტუალები, ნიღბები, ტანსაცმელი, პერსონაჟთა
ფუნქციები. ორივე დღესასწაული აღმოცენებულია მოკვდავი და
აღდგენადი ღვთაებების იდეის გავლენით, ეს კი სხვასაგვა ხალხების
რწმენა-წარმოდგენათა უშუალო კონტაქტებზე, მათ შეხედულება-
თა მსგავსებაზე დამაჯერებლად ლაპარაკობს.

• სადღეისოდ დღესასწაულის ბევრი საკითხია ამოუცნობი. მი-
უხედავად ამისა, შესაძლებელი გახდა დაედგინათ, რომ ნაყოფიერე-
ბისა და აღორძინების დღესასწაულის მთავარ პერსონაჟს — ბერი-
კას ფუნქციური კავშირი აქვს ქართულ ღვთაება ბოსელ-ბოსლას-
თან, რომელიც ადამიანისა და საქონლის განაყოფიერება-გამრავ-
ლების და საერთოდ მიწის ნაყოფიერების მფარველ ღვთაებად
ითვლება.

• გასაკვირი არ უნდა იყოს, რომ ეს დღესასწაული იწვევს ცხო-
ველ ინტერესს. როგორც ვხედავთ, იგი სცილდება ეროვნული
კულტურის ფარგლებს. მის მიმართ არც სხვა ქვეყნების მეცნიერე-
ბი არიან გულგრილნი.

• ასეთია თავდაპირველი ხასიათი ამ დღესასწაულის, რომლის
აღდგენა და დაცვა ზედმიწევნით შეესატყვისება ჩვენი ხალხის
ზნეობრივ კოდექსს — დაიცვას წინაპართა მიერ დანატოვარი განძი.

ცნობილია, რომ ახალი კულტურა მხოლოდ ძველის მიღწევითა
გამოყენების შედეგად იქმნება, ამიტომ არც ძველი ტრადიციების
აბსოლუტირებაა მართებული და არც მათი უარყოფა. მზრუნვე-
ლობა კულტურული მემკვიდრეობისადმი დღეისათვის ერთ-ერთი
მნიშვნელოვანი და მთავარი ამოცანაა, რაც კარგად აისახა საქარ-
თველოს კომპარტიის ცენტრალური კომიტეტის მეტად მნიშვნე-
ლოვან დადგენილებაში. ამ საკითხს ცალკე მუხლი მიეძღვნა ჩვენს
ახალ კონსტიტუციაში.



რეცენზენტები: ისტ. მეცნ. კანდ. ი. ჭყონია
ისტ. მეცნ. კანდ. გ. ჯავახიშვილი

დაიბეჭდა საქართველოს სსრ მეცნიერებათა აკადემიის
სარედაქციო-საგამომცემლო საბჭოს დადგენილებით

ИБ 1135

გამომცემლობის რედაქტორი რ. ფეიქრიშვილი
ტექნიკური რედაქტორი ც. ქაშუშაძე
მხატვარი ნ. თენგიშვილი
კორექტორი ლ. შაბურიაშვილი

გადაეცა წარმოებას 14.12.1979; ხელმოწერილია დასაბეჭდად 6.3.1980;
ქაღალდის ზომა 60×90¹/₁₆; ქაღალდი № 2; ნაბეჭდი თაბახი 3.3;
სააღრიცხვო — საგამომცემლო თაბახი 2.1;
ფასი 25 კაპ.

უფ 01034; ტირაჟი 4000; შეკვეთა № 4160

გამომცემლობა „მეცნიერება“, თბილისი, 380060, კუტუზოვის ქ., 19
Издательство «Мецниереба», Тбилиси, 380060, ул. Кутузова, 19

საქ. სსრ მეცნ. აკადემიის სტამბა, თბილისი, 380060, კუტუზოვის ქ. 19
Типография АН Груз. ССР, Тбилиси, 380060, ул. Кутузова, 19



Джультетта Акакиевна Рухадзе
НАРОДНЫЕ ПРАЗДНИКИ И СОВРЕМЕННОСТЬ
(на грузинском языке)